

Na osnovu člana 90. stav 5. i člana 117. stav 4. Zakona o zaštiti okoliša ("Službene novine Federacije BiH", broj 33/03), federalni ministar prostornog uređenja i okoliša donosi

PRAVILNIK

O IZRADI GODIŠNJIH/POLUGODIŠNJIH PROGRAMA INSPEKCIJE ZAŠTITE OKOLIŠA

Član 1.

Ovim Pravilnikom se utvrđuje sadržaj godišnjeg/ polugodišnjeg programa inspekcije zaštite okoliša, te izvještaja o realizaciji programa inspekcije zaštite okoliša.

Član 2.

Godišnji/polugodišnji program inspekcije zaštite okoliša sadrži:

- 1) specifične ciljeve za poboljšanje stanja okoliša, prijedlog mjera za redukciju emisija pojedinih zagađujućih materija, preventivno djelovanje u cilju sprječavanja okolinskih akcidenata;
- 2) popis svih pogona i postrojenja svrstanih u tri kategorije u skladu sa okolinskim prioritetima (visok, srednji, niski) u kojima će se vršiti inspekcijski nadzor;
- 3) učestalost inspekcijskog nadzora za svaku od kategorija iz tačke 2. ovog člana;
- 4) rokove i način inspekcijskog nadzora za svaku kategoriju iz tačke 2. ovog člana;
- 5) proračun ukupnog broja dana potrebnog za inspekcijski nadzor pogona i postrojenja iz tačke 2. ovog člana;
- 6) plan rada za svakog inspektora zaštite okoliša;
- 7) potrebe za koordinacijom i razmjenom podataka sa drugim nadležnim inspekcijama;
- 8) plan materijalnih sredstava sa specifikacijom i obrazloženjem potreba i troškova inspekcije zaštite okoliša (zaštitna odjeća i obuća, priručna oprema, potrošni materijal, održavanje i gorivo za prevozna sredstva, fotoaparat i filmovi...).

Član 3.

Godišnji program inspekcije donosi federalni ministar prostornog uređenja i okoliša (u daljnjem tekstu: federalni ministar).

Član 4.

Inspekcija zaštite okoliša podnosi polugodišnji i godišnji Izvještaj o ispunjenju programa inspekcije zaštite okoliša Vladi Federacije BiH i Parlamentu Federacije BiH.

Izvještaj je dostupan javnosti.

Član 5.

Izveštaj iz člana 4. ovog Pravilnika sadrži:

- 1) pregled planiranih aktivnosti;
- 2) pregled izvršenih aktivnosti u svakoj kategoriji prioriteta iz člana 2. tačke 2. ovog Pravilnika;
- 3) broj zaprimljenih zahtjeva za inspekcioni nadzorom i lista obavljenih kontrola prema kategorijama člana 2. tačke 2. ovog Pravilnika;
- 4) broj donesenih zapisnika, rješenja i izvršenih rješenja, izrečenih upravnih mjera, preduzetih sanacionih mjera, podnesenih prekršajnih prijava, uloženi žalbi i donesenih rješenja po žalbi;
- 5) podatke o kadrovima i raspoloživim materijalno- finansijskim sredstvima Inspekcije zaštite okoliša;
- 6) nivo usklađenosti kontroliranih parametara u pogonima i postrojenjima sa zakonom, na zakonu donesenim propisima i okolinskom dozvolom;
- 7) saradnja Inspekcije zaštite okoliša sa drugim inspekcijama i nadležnim organima;
- 8) opis i ocjena uspješnosti realizacije programa i preporuke za daljnje aktivnosti;
- 9) zaključci o ispunjenju programa.

Član 6.

Ovaj Pravilnik stupa na snagu osmog dana od dana objave u "Službenim novinama Federacije BiH".

Federalni ministar
Ramiz Mehmedagić, s. r.